


評註
文選讀本
上冊



教科自修適用
上海世界書局印行

編輯大意

文選一書。極修詞之準則。篤志文學之士。必由以研鍊。歲年然後能摘藻。不浮揚聲有實。故自來有選理。選學諸論。誠文學界之魁杓也。自近世崇實爲倡。導淺學計。由散行降而庸俗。羣相與趨粗俚。以飾貌爲詬病。循斯以往。幾使藝園不復知敷陳爲何事。而吾國文學之菁英。將從此淪胥不滋。可懼乎。本局既溯源於史漢左國。輯爲學子專用讀本。以供中小學之採用。嗣又以高級中學生。不可不一涉修詞藩籬也。爰輯文選精要。可誦者彙爲是編。庶使嗜學諸子。嘗鼎一臠。爲咀齧之導。則修詞遺範。或賴以不墜云。

嘗讀左氏傳。見列國往來。辭命緣飾。增采枉者。直之質者。華之彬彬。蔚蔚爛乎。不可企矣。而孔子亦稱鄭之爲命。由草創討論。以至修飾潤色。始知修詞之事。非一端而未嘗非應之實用。以濟事功者。乃後世祇用爲陳說抒懣娛。

情之具而專對斷章因賦見志折衝樽俎之妙用廢矣然漢賦瑰意瓌詞鴻章鉅著雖極喬皇莊麗之觀不失風喻隱規之致近世主倡社會文學以描寫實情啓人改弦易轍之心者猶斯物也特爲貌異耳而其辭氣之鏗鏘壯偉則後世鮮有逮者其間尤以班揚等爲傑出此自關乎氣運要亦無起而振挈之爲天下更新耳方今靡靡成風江河日下挽之之道厥在斯乎惟過涉冗衍堆垛者屏不之列要以氣能運詞詞必傳氣者爲限取其易津逮有典則此本書撮錄辭賦之微旨也

詩自三百篇後由四言而五七言漢代實一大關鍵在鄒之規河梁之詠敦誼隆情猶幾乎古歷覽餘篇亦復雅有其質藻不掩真逸而能豐約而有澤用意佳者直與歐什同符足爲學子陶寫之楷式爰採尤佳者附之於後備誦覽焉

詔令章表。三代而後。漢爲極軌。詔令務尊嚴。章表務誠摯。開豁漢代諸作。更自有雄厚氣。洵茂蔚無以加。沿及魏晉。漸趨清薄矣。或麗而不莊。或華而寡實。今取傳誦尤著者。約十之一二。政體繼更。茲事不廢。亦學子所應。驚也。書記各著。酬應攸資。而湘鄉獨有取乎魏晉諸篇。爲其落筆高遠。神韻灑然。取辦臨時。足資法式。若夫傾情洩感。則少卿子長數篇足。以蓋世。抑古來亦不多覩。苟稔乎此。亦登峯足小培塿矣。

序引之屬。原本不多。義在挈要。鈎玄。取資指導。今錄古質者數篇。示之準的。亦兼用爲讀經探討之資。一舉兩獲。不可忽也。

至若頌贊箴銘哀祭諸類。後人承流遷變。多乖舊制。惟漢魏猶合古式。不徒氣韻高華。亦文不蔽質。詞意特切。聲情特烈。故錄者加多焉。

論說之作。諸子爲長。而原書斷自漢代。不能軼範。則亦取文質相宣。

爲學子飾美之助。然運命之論。至爲微妙。自宣尼所罕言。五旬而後。知今多。詆以迷信。一概攘斥。然命者。令也。自然之運。隱若有大力者。負之而趨。聖哲。所不能達。有如面誠。託付不能。不率以行者。是非多。閱世變不能。確識真諦。吾人靜以任之。固不可。然勉與爭持。亦有無從爲力者。淺夫俗子。虞趨消極。率意排之。是猶負墻引手。初習趨走之童稚。局於庭奧。遽謂世無遠途。等環行復初之說。於夢囈詎通論耶。學者誠能由斯以探理窟。準之以發奧想。亦足俯視八家。陵燦百代。又安見古文一道。不宜於說理爲滌叟所誣乎。碑誌一類。唐宋滋大。變化益多。漢作祇如黃鐘大呂。太羹元酒。而又所傳不多。中郎要爲典型。正宗故輯入。止是然樸茂淵懿。非後人所能幾也。昭明分類。煩瑣雜出。貽譏大雅。今準桐城例。歸納又更定。先後便學人緩急適宜之序。蓋蕭儲君之輯。此將以藥齊梁刻劃浮豔之弊。而返之渾樸。志在。

剔鄭尙雅刊靡標英示之藻績之宗故不覺尙華采而先辭賦後之學者類以與六朝雕蟲祭纈妃白儷青之作同科共觀耳食目論流弊寔深今人所以棄之不講者未始不由於此特易以論說等文居先庶幾耳日一新適於攻修大改舊日望洋興歎之感乎

選學莫甚於唐宋退之子厚雖標復古之幟其初固皆熟精於此觀其所爲賦頌可以概見宋則蘇長公至以譏其小兒用爲口實蓋正因人人熟爛對症下藥故有此語是時厥後評註益多評則有集評之輯注則五臣李善淪注等其間是與非互見得與失相參蓋眩以瞽矣今採適於理而易解者不足則用現代文法斷論疏證務發其奧突省學者索解之力兼明其所以成爲美文之由以便世人之究習

漢魏長篇臣製往往瀏覽日迷然其中實含有嚴密之層次苟非細心紬繹

決難得其要領。茲分段注明用意。省學者尋索之勞。助其領解布局之法。裨益實非淺鮮。

邇自歐文輸入。習者益多。移其符點於國文。亦委有澄清條脈之效。本編除用舊圈點顯精采外。另於每句之末。復設新標點。以期新舊咸宜。毋乖時尚。



評註

文選讀本上冊目錄

論說類

過秦論(賈誼)·····	一
公孫弘傳贊論(班固)·····	六
典論論文(魏文帝)·····	一一
逸民傳論(范曄)·····	一四
六代論(曹叅)·····	一八
養生論(嵇康)·····	二九
運命論(李康)·····	三五
辨命論(劉峻)·····	四六
演連珠八首(陸機)·····	六二

序跋類

毛詩序卜商

六六

尚書序(孔安國)

七〇

春秋左傳序(杜預)

七五

三都賦序(皇甫謐)

八九

書牘類

答蘇武書(李陵)

九三

報任少卿書(司馬遷)

一〇〇

報孫會宗書(楊惲)

一一三

論盛孝章書(孔融)

一一六

爲幽州牧與彭寵書(朱浮)

一一九

與朝歌令吳質書(魏文帝)

一二二

與吳質書(魏文帝)……………一二四

與楊德祖書(曹植)……………一二七

與吳李重書(曹植)……………一三二

與陳伯之書(丘遲)……………一三五

移書讓太常博士(劉歆)……………一三九

北山移文(孔稚圭)……………一四五

答臨淄侯牋(楊修)……………一五一

答魏太子牋(吳質)……………一五五

在元城與魏太子牋(吳質)……………一五七

奏議類

上秦始皇書(李斯)……………一六〇

獄中自明書(鄒陽)……………一六五

上書諫獵(司馬相如).....一七三

上書諫吳王(枚乘).....一七五

出師表(諸葛亮).....一七八

求自試表(曹植).....一八一

讓開府表(羊祜).....一八八

陳情表(李密).....一九一

詔令類

求茂才異等詔(漢武帝).....一九四

賢良詔(漢武帝).....一九五

諭巴蜀檄(司馬相如).....一九六

難蜀父老(司馬相如).....二〇〇

評註
文選讀本上冊

過秦論

賈誼

洛陽人年十八屬文稱於郡中河南太守吳公聽之文帝召爲博士爲絳灌馮敬所譏於是出以爲長沙王太傅抑鬱不自得還爲梁王太傅年三十三卒世稱爲賈生云

秦孝公據殽函之固，擁雍州之地，君臣固守以窺周室，有席卷天下，包舉宇內，囊括四海之意，并吞八荒之心。當是時也，商君佐之，內立法度，務耕織，修守戰之具，外連衡而鬪諸侯。於是秦人拱手而取西河之外。孝公既沒，惠文、武昭，蒙故業，因遺策，南取漢中，西舉巴蜀，東割膏腴之地，收要害之郡，諸侯恐懼，會盟而謀弱秦，不愛珍器重寶肥饒之地，以致天下之士，合從締交，相與爲一。當此之時，齊有孟嘗，趙有平原，楚有春申，魏有信陵，此四君者，皆明智而忠信，寬厚而愛人，尊賢而重士，約從離橫，兼韓魏燕趙宋衛中山之衆。

於是六國之士，有甯越^{十一}、徐尙^{十二}、蘇秦^{十三}、杜赫^{十四}之屬，爲之謀。齊明^{十五}、周最^{十六}、陳軫^{十七}、召滑^{十八}、樓緩^{十九}、翟景^{二十}、蘇厲^{二十一}、樂毅^{二十二}之徒，通其意。吳起^{二十三}、孫臏^{二十四}、帶佗^{二十五}、兒良^{二十六}、王廖^{二十七}、田忌^{二十八}、廉頗^{二十九}、趙奢^{三十}之倫，制其兵，嘗以十倍之地，百萬之衆，叩關而攻秦。秦人開關而延敵，九國之師遁逃而不敢進。秦無亡矢遺鏃之費，而天下諸侯已困矣！於是從散約解，爭割地而賂秦。秦有餘力而制其弊，追亡逐北，伏尸百萬，流血漂櫓，因利乘便，宰割天下，分裂河山，彊國請伏，弱國入朝。施及孝文^{三十一}、王莊^{三十二}、襄王^{三十三}，享國之日淺，國家無事。及至始皇^{三十四}，奮六世之餘烈，振長策而御宇內，吞二周而亡諸侯，履至尊而制六合，執敲扑以鞭笞天下，威振四海。南取百越之地，以爲桂林象郡^{三十五}。百越之君，俛首係頸，委命下吏。乃使蒙恬^{三十六}北築長城而守蕃籬，却匈奴七百餘里。胡人不敢南下而牧馬，士不敢彎弓而報怨。於是廢先王之道，燔百家之言，以愚黔首，隳名城，殺豪俊，收天下之兵，聚之咸陽，銷鋒鏃，鑄以爲

金人十二，以弱天下之民，然後踐華爲城，因河爲池，據億丈之城，臨不測之谿，以爲固。良將勁弩，守要害之處，信臣精卒，陳利兵而誰何。天下已定，始皇之心，自以爲關中之固，金城千里，子孫帝王萬世之業也。始皇既歿，餘威震於殊俗，然而陳涉、甕牖、繩樞之子，甞隸之人，而遷徙之徒也，材能不及中庸，非有仲尼、墨翟之賢，陶朱、猗頓之富，躡足行伍之間，俛起阡陌之中，率罷散之卒，將數百之衆，轉而攻秦，斬木爲兵，揭竿爲旗，天下雲集而響應，贏糧而景從，山東豪俊遂並起而亡秦族矣。且夫天下非小弱也，雍州之地，殽函之固，自若也。陳涉之位，非尊於齊、楚、燕、趙、韓、魏、宋、衛、中山之君也；鋤耰、棘矜，非銛於鉤戟、長鎗也；謫戍之衆，非抗於九國之師也；深謀遠慮，行軍用兵之道，非及曩時之士也；然而成敗異變，功業相反，試使山東之國與陳涉度長絜大，比權量力，則不可同年而語矣。然秦以區區之地，致高乘之權，招八州而

朝同列，百有餘年矣；然後以六合爲家，殽函爲宮，一夫作難而七廟隳，身人手爲天下笑者，何也？仁義不施而攻守之勢異也！

評 此文羅列許多事實，行以奇橫之氣，一路鼓來，飛沙走石，猛不可當，將所有鋪砌痕悉化雲解，此方可引用，故實否則雖有腹笥不能爲我用也。然使準前中幅直瀉而下，至並起而族，卽將仁義不施本意結出，未免淺率洩氣。故篇末屢用頓挫之筆，曲折盤旋，待蓄勢既已，揭明自鎮得住。至中間奇詞險句，爲大氣所驅，觸處發見，卻非有意刻琢。正如浩瀚洪流，邊過自成淪漪，故行文以有驅邁之勢爲第一。義昭明，取此殆深矯六朝浮靡不活躍之弊，爲立之基礎也。

註

●【殽函】殽，山名，在今河南洛寧縣北，有東西二山，頗險峻，故亦稱嶠。

、卽函谷關，在今河南靈寶縣南，●【雍州】古九州之一，今陝西甘肅及青海昆

地，●【連衡】衡，音橫，說六國使事秦，謂之連橫，●【西河】今陝西大荔縣

以在黃河西，故名，●【惠文武昭】孝公卒，子惠文王名驪立，卒，子武王名

原
书
缺
页

原
书
缺
页